

BAE... E COMPORAMI...

Appo timoria de intrare
in cudda domo
inue ses morta!
It'annèu chi m'at dadu su marturiu tou!
Mi paret, in custa domo
de intender sa oghe tua...

Si ses freada no lu fattas s'isterzu!
Bi cheret manuzza in sas cosas!
A mie m'at bennidu irrocu!
Bae e compora su latte. Coita a torrare!
Sa salia 'etto!
Addaghi andas a su duttore, accurziadi a sa butecaria!
Ap'appidu fizos de bonu a cumandare! Grascias a Deus!
Prontu est s'ustu? - Dae logu! Tue ses punt' 'e mortu!
It'annèu chi m'est dende su martiriu!
O una die o s'attera già bos do logu!
Bustianu e Larentu sun torrados a su essu!
Oe ti torro! Sun accanta a si la dare!
Tommaseddu mi paret pius sabiu de Juanne.
Mancu a nde mentovare! Già sunu a si la dare
tottos duos! Dai cando lis est mancadu
su babbu in cussa domo sun a pedire!
... gasighi ...
O Signore non ponzedas fattu a sos peccados nostros!
Fiza mia, pone fattu a sos bonos!
A maridu meu lu servo a pessamentu!

VAI... E COMPRAMI...

*L'idea d'entrare / in quella casa / dove sei morta, mi turba profondamente. /
Anniversario. / Quanto mi ha angosciato la tua malattia! / Mi sembra, in
questa casa / di sentire la tua voce...*

*Se hai le mani screpolate non lavare i piatti! / Ci vuole arte nel fare le cose! /
In me si è avverata una brutta bestemmia! / Vai a comprare il latte. Ritorna
subito! / Butto per terra la saliva! / Quando ti rechi dal medico passa anche
in farmacia! / Ho avuto figli obbedienti. Grazie a Dio! / E' pronto il pranzo?
Aspetta! Sei il solito frettoloso! / Quanto mi angoscia la mia malattia! / Prima
o poi non vi sarò più di peso! / A quel che dicono Sebastiano e Lorenzo si sono
/ rappacificati! Niente pace! Ti sbagli, / sono sul punto di venire alle mani! /
Tommaso mi sembra più saggio di Giovanni. / Manco a parlarne! L'uno vale
l'altro!... / Da quando è morto il padre in quella casa / vivono in estrema
misericordia! / ...E... così... / O Signore non guardare i nostri peccati! / Figlia mia,
imita i buoni... / Di mio marito prevengo anche i desideri.*